



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSEDNIKA I POTPREDSJEDNIKA

Sarajevo, 2.6.2025. godine

Broj: 01-4-01-4-558-3/25

BOSNA I HERCEGOVINA

MINISTARSTVO VANJSKIH POSLOVA

N/r gosp. Elmedin Konaković, ministar

Predmet: Inicijativa za primjenu preciznije vremenske jedinice u načinu obračuna maksimalno dozvoljenog boravka profesionalnih vozača u EU, – dostavlja se

Poštovani ministre,

Obzirom na izazove sa kojima se suočavaju kompanije iz Bosne i Hercegovine u sektoru međunarodnog cestovnog prijevoza, Vanjskotrgovinska komora Bosne i Hercegovine ovim putem pokreće inicijativu za **primjenu preciznije vremenske jedinice u načinu obračuna maksimalno dozvoljenog boravka profesionalnih vozača u Europskoj uniji.**

Naime, Evropska unija je Uredbom (EU) 610/2013 izmijenila koncept "kratkotrajnog boravka" iz Uredbe (EZ) br. 810/2009 (Vizni kodeks), dodefinirajući ranije pravilo boravka "tri mjeseca u bilo kojem šestomjesečnom periodu" pravilom obračuna boravka "90 dana u bilo kojem periodu od 180 dana". Ovim se umjesto „mjesec“ primjenila preciznija i tačnija vremenska jedinica „dan“. Međutim, zbog višestrukih izlazaka i ulazaka na teritoriju Europske unije, profesionalni vozači zapravo nisu ni u mogućnosti iskoristiti definiranih 90 dana, jer se svaki put, boravak od nekoliko sati, pa čak i boravak od jednog sata, evidentira kao boravak od jednog dana.

Implementacija **Entry/Exit sistema**, omogućava evidentiranje, praćenje i izračun tačnog vremena ulaska i izlaska iz Šengen zone, ukoliko se automatski kalkulator unutar ovih informatičkih sistema kalibrira na način koji daje veću preciznost obračuna vremena provedenog na teritoriji Europske unije. Zato predlažemo da se ova funkcionalnost iskoristi kako bi se boravak profesionalnih vozača na teritoriji Europske unije **obračunavao u satima umjesto u danima – tj. 90 dana × 24 sata = 2160 sati.**

Profesionalni vozači, pored vozila kojim upravljaju, raspolažu i kvalifikacijskom karticom vozača, karticom tahografa i drugim dokumentima u transportu, koji dokazuju ulogu, osnov i razlog boravka u EU, a to je realizacija međunarodne transportne operacije.

Cijenimo mogućnost da Vaše Ministarstvo, diplomatskim putem i u koordinaciji sa Europskom komisijom, ali i sa DG HOME i DG MOVE, inicira dijalog na ovu temu, imajući u vidu značaj cestovnog prijevoza u funkcioniranju lanaca isporuke i privrede Bosne i Hercegovine u cjelini. Koristimo priliku informisati Vas da je gore navedena inicijativa iskomunicirana i na nedavno održanom sastanku predstavnika Eurokomore sa komesarkom za proširenje gđom, Martom Kos u Briselu.

Zahvaljujemo se unaprijed na razumijevanju i podršci, te ostajemo na raspolaganju za dodatne informacije i koordinaciju po ovom pitanju.

S poštovanjem,

